

Հայաստանի Հանրապետություն
Ոռոգման համակարգերի բարելավման ծրագիր (ՈՀԲԾ)
ՎԶՄԲ փոխառության No.8267AM

ՇԱՀԱԳՐԳՈՎԱԾՈՒԹՅՈՒՆ ՀԱՅՏՆԵԼՈՒ ՀՐԱՎԵՐ
(ԽՈՐՀՐԴԱՏՎԱԿԱՆ ԾԱՌԱՅՈՒԹՅՈՒՆՆԵՐ – ԸՆԿԵՐՈՒԹՅՈՒՆՆԵՐԻ ԸՆՏՐՈՒԹՅՈՒՆ)

«Բաղրամյան-Նորակերտի ինքնահոս ոռոգման համակարգի նախագծում և հեղինակային հսկողություն» ISEP/CQS/SW-14/002

Հայաստանի Հանրապետությունը ֆինանսավորում է ստացել Համաշխարհային բանկից՝ **Ոռոգման համակարգերի բարելավման ծրագրի (ՈՀԲԾ)** ծախսերը հոգալու նպատակով և մտադիր է միջոցների մի մասն օգտագործել խորհրդատվական ծառայությունների համար:

Խորհրդատվական ծառայությունների («Ծառայություններ») ընդհանուր նպատակներն են.

- **Փուլ I**՝ իրականացնել տեխնիկա-տնտեսական հիմնավորման ուսումնասիրություն, այդ թվում՝ ճարտարագիտական հետազոտություններ, տեխնիկական, սոցիալական և բնապահպանական վերլուծություններ և պատրաստել նախնական նախագիծ;
- **Փուլ II**՝ պատրաստել մանրամասն նախագծային փաթեթ, այդ թվում շրջակա միջավայրի ազդեցության գնահատում (ՇՄԱԳ), շրջակա միջավայրի կառավարման պլան (ՇՄԿՊ) և վերաբնակեցման գործողությունների պլան (ՎԳՊ) (անհրաժեշտության դեպքում); և
- **Փուլ III**՝ իրականացնել հեղինակային հսկողություն շինարարության ընթացքում:

Ենթադրվում է, որ խորհրդատվական ծառայությունների պայմանագիրը (Փուլ I և Փուլ II) կսկսվի **2014թ. օգոստոսին**: Հանձնարարության տևողությունը **6 (վեց) ամիս** է՝ պայմանագրի ստորագրման պահից (տեխնիկա-տնտեսական հիմնավորման ժամանակահատվածը՝ 3 ամիս, մանրամասն նախագծային փաթեթի պատրաստման ժամանակահատվածը՝ 3 ամիս):

Փուլ III-ի պայմանագիրը նախատեսվում է սկսել 2015թ. ապրիլին մինչև 2016թ. հունվարը:

Սույնով «**Ջրային տնտեսության ծրագրերի իրականացման գրասենյակ**» պետական հիմնարկը հրավիրում է իրավասու խորհրդատվական ընկերություններին («խորհրդատուներ») հայտնել իրենց շահագրգռվածությունը ծառայությունների մատուցման համար: Շահագրգիռ խորհրդատուները պետք է ներկայացնեն տեղեկություններ, որոնք ցույց կտան, որ իրենք ունեն պահանջվող որակավորումներ և համապատասխան փորձ ծառայությունները կատարելու համար:

Կարճ ցուցակում ընդգրկվելու չափանիշները հետևյալն են.

- (i) **ընկերության ընդհանուր որակավորումը** (*գործունեության հիմնական տեսակը և փորձը տարիներով*) – 30 միավոր;
- (ii) **հանձնարարության ոլորտում ընկերության փորձը** (*փորձը ոլորտում (տարիներ) և վերջին 10 տարիների ընթացքում իրականացրած համանման աշխատանքների թիվը*) – 50 միավոր;
- (iii) **ընկերության տեխնիկական և կառավարչական կարողությունները** (*կառավարչական և կազմակերպական կառուցվածք, գրասենյակային և լաբորատոր սարքավորումներ և այլն*)- 20 միավոր;

Շահագրգիռ խորհրդատուների ուշադրությունը հրավիրում ենք Համաշխարհային բանկի ուղեցույցների՝ «**Համաշխարհային բանկի փոխառությունների կողմից ՎԶՄԲ-ի փոխառությունների և ՄԶԸ-ի վարկերի և դրամաշնորհների շրջանակներում խորհրդատուների ընտրություն և վարձում, հունվար 2011**» («Խորհրդատուների Ուղեցույցներ» ([*Guidelines: Selection and Employment of Consultants under IBRD Loans and IDA Credits & Grants by World Bank Borrowers, January 2011*](#))), 1.9 կետի վրա, որով սահմանվում է Համաշխարհային բանկի քաղաքականությունը շահերի բախման մասով:

Խորհրդատուները կարող են միավորվել այլ ընկերությունների հետ **համատեղ ձեռնարկության** կամ **ենթախորհրդատվության** ձևով իրենց որակավորումներն ու ժեղացնելու նպատակով (*խնդրում ենք հստակ նշել միավորման կարգավիճակը, օրինակ՝ «Համատեղ ձեռնարկություն» կամ «Ենթախորհրդատու»*):

Խորհրդատուի ընտրությունն իրականացվելու է **“Խորհրդատուների Որակի վրա Հիմնված Ընտրության (CQS)” մեթոդով**, որը սահմանվում է Խորհրդատուների Ուղեցույցներում:

Լրացուցիչ տեղեկություններ կարելի է ստանալ ստորև նշված հասցեով աշխատանքային ժամերին՝ **ժ.10:00–17:00 (Երևանի ժամանակով)**, **երկուշաբթի օրվանից մինչև ուրբաթ, բացի պաշտոնական տոներից**:

Շահագրգռվածության հայտը պետք է ներկայացվի **հայերեն** լեզվով գրավոր՝ **երկու (2)** վավերացված տպված օրինակներով կամ էլ. փոստով՝ **Adobe PDF** ձևաչափով ստորև նշված հասցեով՝ **2014թ. հունիսի 24-ին, ժ.17:00-ին կամ ավելի վաղ**: Շահագրգռվածության հայտի վրա պետք է հստակ նշվի՝ «Շահագրգռվածություն հայտնելու հայտ **«Բաղրամյան-Նորակերտի ինքնահոս ռոզման համակարգի նախագծում և հեղինակային հսկողություն» ISEP/CQS/SW-14/002**»:

«Ջրային տնտեսության ծրագրերի իրականացման գրասենյակ» պետական հիմնարկ
Պրն. Ադիբեկ Ղազարյան, տնօրեն

Պրն. Սամվել Կարապետյան, նախագծման և պլանավորման ճարտարագետ

Պրն. Մարտին Չարյան, գնումների մասնագետ

ՀՀ, ք.Երևան 0033, Բաղրամյան պող. 75/44

Հեռ՝ (+37410) 277-943 (ընդունարան), 227-866; 266-058 (գնումների բաժին)

Ֆաքս՝ (+37410) 266-058

Էլ. փոստ՝ aghazaryan@wsdp.am; cc: skarapetyan@wsdp.am; mcharyan@wsdp.am;

Լրացուցիչ տեղեկություններ ստանալու համար զանգահարել Սամվել Կարապետյանին՝ (010) 227-866: